



Broj: JN1 11-03-26-97-38/25
Sarajevo, 24.11.2025. godine

Na osnovu člana 64. stav (1), tačka b) i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) i preporuke komisije za javnu nabavku broj: JN1 11-03-26-97-37/25 od 20.11.2025. godine u postupku javne nabavke roba klase VI –Plakete, značke i medalje, Ministar odbrane *donosi*:

ODLUKU **o izboru najpovoljnijeg ponuđača**

I

Prihvata se preporuka komisije o izboru najpovoljnijeg ponuđača za nabavku roba klase VI – Plakete, značke i medalje (naziv po JRJN: Promotivni materijal, šifra po JRJN: 22462000-6) i dodjeljuje ugovor ponuđaču „EUROFER“ d.o.o., Dragodol broj 10, 75000 Tuzla, za ponuđenu cijenu od 127.650,00 KM bez PDV-a.

II

Sa izabranim ponuđačem „EUROFER“ d.o.o. Tuzla zaključiti okvirni sporazum na period od tri (3) godine.

III

Izabrani ponuđač dužan je dostaviti original ili ovjerene kopije dokumenata iz člana 45. i člana 47. Zakona o javnim nabavkama BiH u roku od pet (5) dana od dana prijema ove odluke. Dokumenti moraju biti dostavljeni do navedenog roka bez obzira na način dostavljanja i za ugovorni organ nije relevantno na koji su način dostavljeni. Dokumenti ne smiju biti stariji od tri (3) mjeseca računajući od trenutka dostavljanja ponude.

IV

Ponuđač je dužan dostaviti безусловnu bankarsku garanciju za dobro izvršenje ugovora u roku od 5 (pet) radnih dana od potpisa ugovora. Ukoliko izabrani ponuđač ne dostavi garanciju u predviđenom roku, ugovor će se smatrati apsolutno ništavnim.

V

Prijedlog ugovora o nabavci Sektor za nabavku i logistiku/Odsjek za ugovaranje, nabavku i prodaju dostavit će na potpis izabranom ponuđačem (tačka I ove odluke) po isteku roka od 15 dana, računajući od dana kada su svi ponuđači obavješteni o izboru najpovoljnije ponude.

VI

Za realizaciju ove odluke i ugovora/okvirni sporazum zadužuje se Sektor za nabavku i logistiku sa unutrašnjom organizacionom cjelinom koja je pokretač referata nabavke u saradnji sa Zajedničkim štabom OS BiH.

VII

Ova odluka objavit će se na web stranici Ministarstva odbrane Bosne i Hercegovine (<http://www.mod.gov.ba>).

VIII

Odluka stupa na snagu danom donošenja i ista će se dostaviti svim ponuđačima u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: JN1 11-03-26-97-6/25 od 23.05.2025. godine.

Obavještenjem o nabavci broj: 723-1-1-447-3-452/25 od 03.07.2025. godine i Ispravkom za obavještenje o nabavci broj: 723-1-1-447-8-569/25 objavljenom na Portalu javnih nabavki dana 13.08.2025. godine, proveden je otvoreni postupak prikupljanja ponuda za nabavku roba klase VI – Plakete, značke i medalje (JRJN: 22462000-6 Promotivni materijal).

Javna nabavka je sprovedena putem otvorenog postupka uz korištenje e-Aukcije. Procjenjena vrijednost nabavke iznosi 127.689,74 KM bez PDV-a. Vrijednost okvirnog sporazuma 383.069,23 KM bez PDV-a.

Javno otvaranje ponuda izvršeno je u skladu sa članom 63. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) (u daljem tekstu: ZJN BiH) dana 23.09.2025. godine što je konstatovano Zapisnikom o otvaranju ponuda broj: JN1 11-03-26-97-18/25.

Zapisnik sa otvaranja ponuda dostavljen je lično svim učesnicima postupka nabavke.

Shodno Zapisniku o otvaranju ponuda, komisija je utvrdila da su u predviđenom roku za dostavu ponuda pristigle sljedeće ponude:

- „EUROFER“ d.o.o., Dragodol broj 10, 75000 Tuzla,
- „ATEX“ d.o.o., Trg Heroja br. 33, 71000 Sarajevo.

Otvaranje i evaluaciju ponuda (član 63.-68. ZJN BiH) izvršen je istog dana.

Nakon završene ocjene ponuda, Ministarstvo odbrane BiH (u daljnjem tekstu: Ugovorni organ), donio je Odluku o izboru najpovoljnijeg ponuđača broj: JN1 11-03-26-97-23/25 od 08.10.2025. godine kojom je izabran ponuđač „ATEX“ d.o.o. Sarajevo za ponudenu cijenu 62.500,00 KM bez PDV-a.

Nezadovoljan sadržajem Odluke o izboru najpovoljnijeg ponuđača, „EUROFER“ d.o.o. Tuzla izjavio je žalbu dana 23.10.2025. godine koja je kod ugovornog organa zaprimljena dana 24.10.2025. godine.

Postupajući po žalbi ponuđača „EUROFER“ d.o.o. Tuzla, Ugovorni organ je djelimično usvojio žalbu žalitelja izjavljenu na Odluku Ministarstva obrane BiH broj: JN1 11-03-26-97-23/25 od 08.10.2025. godine i dana 29.10.2025. godine, Odlukom broj JN1 11-03-26-97-36/25 stavio van snage Odluke o izboru najpovoljnijeg ponuđača i predmet vratio komisiji na ponovni postupak pregleda i ocjene ponuda.

U ponovljenom postupku, a nakon konačnosti Odluke o stavljanju van snage Odluke o izboru najpovoljnijeg ponuđača broj: JN1 11-03-26-97-36/25 od 29.10.2025. godine, komisija je pristupila analizi zaprimljene ponude ponuđača „ATEX“ d.o.o. Sarajevo u okviru ocjene žalbenih navoda iz žalbe žalitelja „EUROFER“ d.o.o. Tuzla pregledom dokumentacije i uzoraka dostavljenih uz istu u smislu provjere njihove validnosti s obzirom na iskazane zahtjeve ugovornog organa u tenderskoj dokumentaciji i tehničkim uslovima.

Pregledom ponude i uzoraka ponuđača „ATEX“ d.o.o. Sarajevo razmatrani su isključivo navodi iz žalbe ponuđača „EUROFER“ d.o.o. Tuzla te su još jednom potvrđeni svi stavovi izneseni u odgovoru na žalbu dati u Zapisniku o radu komisije po žalbi „EUROFER“ d.o.o. Tuzla od 24.10.2025. godine broj: JN1 11-03-26-97-35/25 od 28.10.2025. godine a isti se nalaze i u obrazloženju Odluke o stavljanju van snage Odluke o izboru najpovoljnijeg ponuđača broj: JN1 11-03-26-97-36/25 od 29.10.2025. godine.

Peti žalbeni navod žalioca „EUROFER“ d.o.o. Tuzla ocjenjen je **osnovanim**.

U Tehničkom uslovu u dijelu koji se odnosi na opis zadnje strane Zlatne značke OS BiH i način učvršćivanja na uniformu piše:

„Sa zadnje strane značke izrađen je vijak sa maticom za učvršćivanje na uniformu i igla kao stabilizator. Prečnik matice je 20 mm“.

Ponudač „ATEX“ d.o.o. Sarajevo je za pričvršćivanje značke na uniformu umjesto vijka, matice i igle kao stabilizator koristio vodoravnu iglu za postavljenje i nošenje na uniformi što nije u skladu sa tehničkim uslovom. **Žalbeni navod osnovan.**

Ponudač „ATEX“ d.o.o. Sarajevo nije ispoštovao zahtjeve u pogledu izrade zlatne značke date u tehničkom uslovu, odnosno nije ispoštovao kvalifikacioni uslov prilikom dokazivanja tehničke i profesionalne sposobnosti da dostavljeni uzorci iz specifikacije za stavke 1, 5 i 9 mora biti u skladu sa tehničkim uslovom broj: 11-02-3-861-1/18 od 06.03.2018. godine (7.4.2. pod b) tenderske dokumentacije).

Shodno navedenom i cijeneći da je riječ o kvalifikacionom uslovu koji predstavlja bitan aspekt ponude, komisija zauzima stav da ponuda ponuđača „ATEX“ d.o.o. Sarajevo nije prihvatljiva za ugovorni organ te ne može biti predmet daljeg vrednovanja.

U skladu sa članom 68. stav (4), tačka i) (ZJN BiH) ponuda nije potpuna i ne ispunjava zahtjeve tenderske dokumentacije.

U slučaju kada nakon okončanog postupka po žalbi ima samo jedna prihvatljiva ponuda, tada se e-Aukcija ne zakazuje u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 66/16 i 80/23), nego se postupak okončava u skladu sa članom 69. ZJN BiH, tj. zaključuje ugovor (ili okvirni sporazum) na vrijednosti iz početne ponude.

Početna ponuda ponuđača „EUROFER“ d.o.o. iz Tuzle iznosi 127.650,00 KM bez PDV-a.

U postupku donošenja ove odluke, posebno su cjenjene činjenice da je komisija, pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

Rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnova za neprihvatanje preporuke komisije za javne nabavke.

Naime, u postupku je ocijenjeno da je komisija pravilno postupala, te da je izbor najpovoljnijeg ponuđača izvršen na osnovu Zakona o javnim nabavkama BiH, podzakonskim aktima i tenderskom dokumentacijom za dostavljanje ponuda.

Ponudač „EUROFER“ d.o.o. iz Tuzle, je ocijenjen na osnovu kriterija za dodjelu ugovora „najniža cijena“ za ponudenu cijenu ponude u iznosu 127.650,00 KM bez PDV-a i dodjeli ugovor/okvirni sporazum koji u pravnom, tehničkom i ekonomskom smislu ispunjavaju zahtjeve ugovornog organa.

Iz navedenih razloga, primjenom člana 64. stav (1) tačka b) i člana 70. stav (1), (3) i (6), odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Kancelariji za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

MINISTAR

Zukan Helez

Dostavljeno:

- „ATEX“ d.o.o. Sarajevo, tel.: 061/138-113, fax: 033/570-881, e-mail: info@atexdoo.com,
- „EUROFER“ d.o.o. Tuzla, tel./fax: 035/289-688, e-mail: info@eurofer.ba,
- Kancelariji za odnose sa javnošću MO BiH (objava na Web stranici),
- a/a.